

VII

Ova odluka stupa na snagu narednog dana od dana objavljivanja u "Službenim novinama Federacije BiH".

B. broj 318/2020

28. februara 2020. godine

Sarajevo

Premijer

Fadil Novalić, s. r.

356

Na osnovu člana 25. stav (2) i člana 37. Zakona o izvršavanju Budžeta Federacije Bosne i Hercegovine za 2020. godinu ("Službene novine Federacije BiH", broj 99/19), kojima je propisano da će se sredstva utvrđena u razdjelu 18. Budžeta, ekonomski kod "Kapitalni transferi drugim razinama vlasti i fondovima - Transfer za izgradnju autocesta i brzih cesta" koristiti po programima koje donosi Vlada, a izvršavat će se sa posebnog računa za upravljanje razvojnim sredstvima u okviru JRT, Vlada Federacije Bosne i Hercegovine, na 211. sjednici, održanoj 28.02.2020. godine, donosi

ODLUKU

**O USVAJANJU PROGRAMA UTROŠKA SREDSTAVA
"KAPITALNI TRANSFERI DRUGIM NIVOIMA VLASTI I
FONDOVIMA - TRANSFER ZA IZGRADNJU
AUTOCESTA I BRZIH CESTA" UTVRĐENIH
BUDŽETOM FEDERACIJE BOSNE I HERCEGOVINE ZA
2020. GODINU FEDERALNOM MINISTARSTVU
PROMETA I KOMUNIKACIJA**

I.

Usvaja se Program utroška sredstava "Kapitalni transferi drugim nivoima vlasti i fondovima - Transfer za izgradnju autocesta i brzih cesta" u iznosu od 15.000.000,00 KM utvrđenih Budžetom Federacije Bosne i Hercegovine za 2020. godinu Federalnom ministarstvu prometa i komunikacija u razdjelu 18. ekonomski kod 6151 Budžeta Federacije Bosne i Hercegovine za 2020. godinu ("Službene novine Federacije BiH", broj 99/19).

II.

Sredstva iz tačke I. ove odluke se nalaze na posebnom računu broj 1027080000042446 za upravljanje razvojnim sredstvima za implementaciju sredstava namijenjenih za finansiranje kapitalnih infrastrukturnih projekata u okviru Jedinственог računa Trezora.

III.

Vlada Federacije Bosne i Hercegovine utvrđuje sljedeće projekte koji će se finansirati putem ovoga Programa:

- a) Izgradnja i rekonstrukcija 1. transverzale u iznosu od 15.000.000,00 KM, implementator - Direkcija za puteve Kantona Sarajevo.

Namjena ovih sredstava u strukturi podobnih rashoda za ovaj projekt:

- za građevinske radove 15.000.000,00 KM

IV.

Sredstva sa namjenskog računa iz tačke II. ove odluke mogu se koristiti za nadoknadu, odnosno refundaciju plaćenih podobnih rashoda iz tačke III. ove odluke.

Sredstva će se prenositi u tranšama na račun implementatora odobrenih projekata nakon što isti prema Federalnom ministarstvu prometa i komunikacija dostave dokaze o izvedenim radovima/uslugama (zahtjev za prijenos sredstava, potpisan ugovor za radove/usluge, ovjerena situacija/račun za izvedene radove/usluge i izvještaj nadzora radova).

V.

Implementator projekta iz tačke III. ove odluke je obavezan kvartalno izvještavati o realizaciji projekata Federalno ministarstvo prometa i komunikacija, a potom će Federalno

ministarstvo prometa i komunikacija kvartalno izvještavati Vladu Federacije Bosne i Hercegovine.

VI.

O načinu utroška odobrenih sredstava za projekte iz tačke III. potpisan je Ugovor između Federalnog ministarstva prometa i komunikacija i implementatora odobrenog projekta kojim su detaljnije utvrđena međusobna prava i obaveze. Implementatori odobrenih projekata obavezni su da podatke o realizaciji projekata kvartalno unose u PIMIS-sistem.

VII.

Za provođenje ove odluke zadužuju se Federalno ministarstvo finansija, Federalno ministarstvo prometa i komunikacija i Direkcija za puteve Kantona Sarajevo, svako u okviru svoje nadležnosti.

VIII.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 319/2020

28. februara 2020. godine

Sarajevo

Premijer

Fadil Novalić, s. r.

Na temelju članka 25. stav (2) i člana 37. Zakona o izvršavanju Proračuna Federacije Bosne i Hercegovine za 2020. godinu ("Službene novine Federacije BiH", broj 99/19), kojima je propisano da će se sredstva utvrđena u razdjelu 18. Proračuna, ekonomski kod "Kapitalni transferi drugim razinama vlasti i fondovima - Transfer za izgradnju autocesta i brzih cesta" koristiti po programima koje donosi Vlada, a izvršavat će se sa posebnog računa za upravljanje razvojnim sredstvima u okviru JRT, Vlada Federacije Bosne i Hercegovine, na 211. sjednici, održanoj 28.02.2020. godine, donosi

ODLUKU

**O USVAJANJU PROGRAMA UTROŠKA SREDSTAVA
"KAPITALNI TRANSFERI DRUGIM RAZINAMA
VLASTI I FONDOVIMA - TRANSFER ZA IZGRADNJU
AUTOCESTA I BRZIH CESTA" UTVRĐENIH
PRORAČUNOM FEDERACIJE BOSNE I HERCEGOVINE
ZA 2020. GODINU FEDERALNOM MINISTARSTVU
PROMETA I KOMUNIKACIJA**

I.

Usvaja se Program utroška sredstava "Kapitalni transferi drugim razinama vlasti i fondovima - Transfer za izgradnju autocesta i brzih cesta" u iznosu od 15.000.000,00 KM utvrđenih Proračunom Federacije Bosne i Hercegovine za 2020. godinu Federalnom ministarstvu prometa i komunikacija u razdjelu 18. ekonomski kod 6151 Proračuna Federacije Bosne i Hercegovine za 2020. godinu ("Službene novine Federacije BiH", broj 99/19).

II.

Sredstva iz tačke I. ove odluke se nalaze na posebnom računu broj 1027080000042446 za upravljanje razvojnim sredstvima za implementaciju sredstava namijenjenih za financiranje kapitalnih infrastrukturnih projekata u okviru Jedinственог računa Trezora.

III.

Vlada Federacije Bosne i Hercegovine utvrđuje sljedeće projekte koji će se financirati putem ovoga Programa:

- a) Izgradnja i rekonstrukcija 1. transverzale u iznosu od 15.000.000,00 KM, implementator - Direkcija za puteve Kantona Sarajevo.

Namjena ovih sredstava u strukturi podobnih rashoda za ovaj projekt:

- za građevinske radove 15.000.000,00 KM